



Broj/ Број : 02/2-50-1-13-7-13/07

Sarajevo/ Сарајево : 25.10.2007. godine

ZAPISNIK

7. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održane 23.10.2007. godine

Sedmu sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH sazvala je predsjedavajuća Komisije, Alma Čolo.

Sjednici Komisije za vanjsku i trgovinsku politiku, carine, saobraćaj i komunikacije Doma naroda, u svojstvu članova Komisije, prisustvovali su: Alma Čolo, Slobodan Šaraba, Adem Ibrahimpašić, Branko Zrno, te Aida Kreho – stručni saradnik pri Komisiji za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine.

Odsustvo su opravdali Rudo Vidović i Dušanka Majkić

U svojstvu predlagača, sjednici su prisustvovali: Vjekoslav Vuković – pomoćnik ministra u Ministarstvu sigurnosti BiH, Kojo Koprivica – pomoćnik ministra u Ministarstvu komunikacija i transporta, Radomir Bogdanović – pomoćnik ministra u Ministarstvu vanjskih poslova BiH, Seid Uzunović i Rasim Šećerović – šefovi odsjeka, te Hajrudin Podbičanin – pomoćnik ministra u Ministarstvu vanjske trgovine i ekonomskih odnosa BiH, Zijad Sinanović – direktor Sektora za transport i komunikacije, te Savo Marjanac – direktor Sektora privrede u Vanjskotrgovinskoj komori.

Sjednica Komisije za vanjsku i trgovinsku politiku, carine, saobraćaj i komunikacije Doma naroda BiH započela je u 11 sati.

Nakon što je konstatovala da postoji kvorum, predsjedavajuća Komisije, Alma Čolo, predložila je sljedeći

DNEVNI RED

1. Usvajanje Zapisnika 6. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH;
2. Prijedlog zakona o poljoprivredi, prehrani i ruralnom razvoju (prvo čitanje);
3. Prijedlog zakona o vinu, rakiji i drugim proizvodima od grožđa i vina (prvo čitanje);
4. Prijedlog zakona o izmjenama Zakona o carinskoj tarifi Bosne i Hercegovine (prvo čitanje) – predlagač: Vijeće ministara BiH;

5. Prijedlog zakona o elektronskom pravnom i poslovnom prometu (drugo čitanje);
6. Davanje saglasnosti za ratifikaciju Konvencije Vijeća Evrope o borbi protiv trgovine ljudima;
7. Davanje saglasnosti za ratifikaciju Konvencije Vijeća Evrope o spriječavanju terorizma;
8. Davanje saglasnosti za ratifikaciju Konvencije Vijeća Evrope o pranju novca, otkrivanju, privremenom oduzimanju i konfiskaciji dobiti stečene kriminalnim radnjama i finansiranju terorizma;
9. Davanje saglasnosti za ratifikaciju Sporazuma između Bosne i Hercegovine i Islamske Republike Pakistan o saradnji u oblasti odbrambene industrije;
10. Davanje saglasnosti za ratifikaciju Sporazuma o ekonomskoj i tehnološkoj saradnji između Vijeća ministara Bosne i Hercegovine i Vlade Republike Grčke;
11. Zabilješka sa zajedničkog sastanka Komisije za vanjske poslove Predstavničkog doma PSBiH i Komisije za vanjsku i trgovinsku politiku, carine, saobraćaj i komunikacije Doma naroda PSBiH sa novoimenovanim ambasadorom Bosne i Hercegovine u Crnoj Gori, g. Branimirom Jukićem;
12. Tekuća pitanja

Dnevni red je jednoglasno usvojen.

Ad.1. Usvajanje Zapisnika 6. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH

Zapisnik 6. sjednice Komisije za vanjsku i trgovinsku politiku, carine, saobraćaj i komunikacije Doma naroda PSBiH jednoglasno je usvojen.

Ad.2. Prijedlog zakona o poljoprivredi, prehrani i ruralnom razvoju (prvo čitanje)

O Prijedlogu zakona o poljoprivredi, prehrani i ruralnom razvoju uvodne napomene dao je Seid Uzunović iz Ministarstva vanjske trgovine i ekonomskih odnosa BiH. Na izradi prijedloga zakona radila je radna grupa, sastavljena od stručnjaka iz Federacije BiH, Republike Srpske, te Ministarstva vanjske trgovine i ekonomskih odnosa. U početku bilo je predviđeno da sva pitanja budu u nadležnosti Ministarstva poljoprivrede, ali obzirom da ono nije uspostavljeno, Ministarstvo vanjske trgovine i ekonomskih odnosa je preuzelo tu ulogu. Sam zakon je od izuzetne važnosti za proces integracija BiH u Evropsku uniju, obzirom da je to jedna od ključnih oblasti u kojima institucije EU ostvaruju svoju nadležnost. U samoj izradi teksta Prijedloga zakona konsultovana je i Direkcije za evropske integracije, te je prijedlog zakona usklađen (djelimično) sa odredbama *acquis communautaire*.

Od članova Komisije u diskusiji su učestvovali g. Ibrahimpašić i g. Zrno, koji su podcrtali značaj donošenja ovakovog zakona na državnom nivou.

U diskusiji je učestvovao i g. Šaraba koji je, pozivajući se na član III, stav 5. Ustava BiH, izjavio da do prenosa nadležnosti sa entitetskog na državni nivo nije došlo, te se izjasnio protiv podržavanja principa Prijedloga zakona.

Članovi Komisije su, potom, većinom glasova podržali principe Prijedloga zakona o poljoprivredi, prehrani i ruralnom razvoju, te odlučili predložiti Domu naroda njegovo usvajanje u prvom čitanju.

Ad.3. Prijedlog zakona o vinu, rakiji i drugim proizvodima od grožđa i vina (prvo čitanje)

Ispred Ministarstva vanjske trgovine i ekonomskih donosa, članovima Komisije obratio se g. Uzunović, koji je istakao da je Prijedlog zakona o vinu, rakiji i drugim proizvodima od grožđa i vina način zaštite za kvalitetna vina iz Bosne i Hercegovine, te način uvođenja reda u proizvodnji vina i rakije, te drugih proizvoda od vina i grožđa.

Predsjedavajuća Komisije ukratko je izložila i sadržaj Mišljenja o Prijedlogu zakona, dostavljen 26.9.2007. godine od strane Direkcije za evropske integracije BiH, u kojem se navodi da je Prijedlog zakona djelimično usklađen sa odredbama *acquisa*.

Članovi Komisije većinom glasova su podržali principe predloženog zakona, te odlučili predložiti Domu naroda njegovo usvajanje u prvom čitanju. Protiv se izjasnio g. Šaraba uz obrazloženje da nije izvršen prenos nadležnosti u ovoj oblasti.

Ad.4. Prijedlog zakona o izmjenama Zakona o carinskoj tarifi Bosne i Hercegovine (prvo čitanje) – predlažać: Vijeće ministara BiH

Hajrudin Podbičanin iz Ministarstva vanjske trgovine i ekonomskih odnosa BiH je članovima komisije ukratko izložio proceduru donošenja izmjena i dopuna Zakona o carinskoj tarifi. Naime, Prijedlog zakona je usvojen još 2006. godine, ali obzirom da je Vijeće ministara bilo u tehničkom mandatu, Prijedlog zakona nije upućen u parlamentarnu proceduru. Izradi Prijedloga zakona o izmjenama Zakona o carinskoj tarifi BiH pristupilo se obzirom da postojeća situacija ne odgovara sadašnjim potrebama privrede BiH, kako sa stanovišta primjerne zaštite domaće proizvodnje, tako i sa stanovišta potrebne liberalizacije uvoza sirovina koje nedostaju na domaćem tržištu, a koje su potrebne za rentabilnu proizvodnju gotovih proizvoda za domaće tržište i izvoz.

U Mišljenju Direkcije, dostavljenom 02.10.2007. godine, navodi se da je Prijedlog zakona usklađen sa primarnim i sekundarnim izvorima prava EU.

Članovi Komisije jednoglasno su podržali principe predloženog zakona te odlučili predložiti Domu naroda njegovo usvajanje u prvom čitanju.

Ad.5. Prijedlog zakona o elektronskom pravnom i poslovnom prometu (drugo čitanje)

Prijedlog zakona o elektronskom pravnom i poslovnom prometu razmatrao se u skladu sa članom 104. Poslovnika Doma naroda. Predsjedavajuća Komisije naglasila je da amandmana na predloženi tekst zakona nije bilo, ali da su uz Prijedlog zakona, od strane Ministarstva komunikacija i transporta BiH dostavljene tehničke ispravke koje je, uz tekst Prijedloga zakona, usvojio Predstavnički dom.

Članovi Komisije većinom glasova su prihvatili tekst Prijedloga zakona o elektronskom pravnom i poslovnom prometu, te odlučili predložiti Domu naroda njegovo usvajanje. Suzdržan je bio Slobodan Šaraba.

Ad.6. Davanje saglasnosti za ratifikaciju Konvencije Vijeća Evrope o borbi protiv trgovine ljudima;

Ad.7. Davanje saglasnosti za ratifikaciju Konvencije Vijeća Evrope o sprječavanju terorizma;

Ad.8. Davanje saglasnosti za ratifikaciju Konvencije Vijeća Evrope o pranju novca, otkrivanju, privremenom oduzimanju i konfiskaciji dobiti stečene kriminalnim radnjama i finansiranju terorizma

O Konvencijama Vijeća Evrope govorio je g. Vuković iz Ministarstva sigurnosti BiH. Konvencije su zaključene u želji sprečavanja trgovine ljudima, terorizma, te saradnje u oblasti sprečavanja pranja novca, te oduzimanju i konfiskaciji dobiti stečene kriminalom. Konvencije datiraju od 16.05.2005. godine i potpisane su u Varšavi.

Članovi Komisije jednoglasno su donijeli odluku o davanju saglasnosti za ratifikaciju Konvencije Vijeća Evrope o borbi protiv trgovine ljudima; Konvencije Vijeća Evrope o

spriječavanju terorizma; te Konvencije Vijeća Evrope o pranju novca, otkrivanju, privremenom oduzimanju i konfiskaciji dobiti stečene kriminalnim radnjama i finansiranju terorizma.

Ad.9. Davanje saglasnosti za ratifikaciju Sporazuma između Bosne i Hercegovine i Islamske Republike Pakistan o saradnji u oblasti odbrambene industrije

Ad.10. Davanje saglasnosti za ratifikaciju Sporazuma o ekonomskoj i tehnološkoj saradnji između Vijeća ministara Bosne i Hercegovine i Vlade Republike Grčke

O sporazumima je napomene dao g. Bogdanović iz Ministarstva vanjskih poslova BiH. Oba sporazuma su potpisana od strane ministra za vanjsku trgovinu i carine BiH, Slobodana Puhalca, 27.04. i 23.07.2007. godine u Sarajevu. Svrha zaključivanja Sporazuma sa Islamskom Republikom Pakistan jeste omogućavanje saradnje na polju odbrambene industrije između ugovornih strana, poboljšavanje kapaciteta odbrambene industrije obje zemlje i to putem efikasnije saradnje u razvoju, proizvodnji, nabavci i prodaji roba i usluga odbrambene industrije. Sporazum sa Republikom Grčkom je odraz želje za razvojem ekonomske i tehnološke saradnje i jačanja veza između dvije zemlje na različitim nivoima.

Članovi Komisije jednoglasno su odlučili predložiti Domu naroda davanje saglasnosti za ratifikaciju Sporazuma između Bosne i Hercegovine i Islamske Republike Pakistan o saradnji u oblasti odbrambene industrije Sporazuma o ekonomskoj i tehnološkoj saradnji između Vijeća ministara Bosne i Hercegovine i Vlade Republike Grčke.

Ad.11. Zabilješka sa zajedničkog sastanka Komisije za vanjske poslove Predstavničkog doma PSBiH i Komisije za vanjsku i trgovinsku politiku, carine, saobraćaj i komunikacije Doma naroda PSBiH sa novoimenovanim ambasadorom Bosne i Hercegovine u Crnoj Gori, g. Branimirom Jukićem

Članovi Komisije su Zabilješku primili k znanju.

Ad.12. Tekuća pitanja

Rasprava nije vođena.

Sjednica Komisije završena je u 12:00 sati.

Stručni saradnik u Komisiji
za vanjsku i trgovinsku politiku,
carine, saobraćaj i komunikacije

Aida Kreho

Predsjedavajuća Komisije
za vanjsku i trgovinsku politiku,
carine, saobraćaj i komunikacije

Alma Čolo